



B. Harfan (M)

29 AUG 1989

■ RASAKAN ... Haslina Shaharuddin melepaskan tendangan kepada pesilat Thailand, Duranee Nounming dalam Kelas C. Haslina akan bertanding di perlawanan akhir, esok.

PERJUANGAN PESILAT NEGARA BELUM BERAKHIR

Lima emas jadi sasaran

29 AUG 1989

KETIADAAN sorakan peminat tidak menghalang empat pesilat negara yang diketuai oleh juara dunia, Wan Aminuddin Baki Abu Bakar membuktikan kewibawaan masing-masing melayakkan diri ke perlawanan akhir, petang esok.

Kejayaan itu memulihkan suasana muram yang menimpa skuad silat negara setelah tujuh pesilat kebangsaan tersingkir di Kompleks Sukan Petronas, Bangi, tiga hari lalu.

Wan Aminuddin tidak menghadapi tekanan hebat untuk menumpaskan Samahani Yusof dari Brunei untuk melayakkan diri.

B. Harfan (M)

2

Walaupun pesilat itu kelihatan tidak menggunakan sepenuh tenaganya, lawannya menyerah kalah pada pusingan kedua.

Wan Aminuddin akan berdepan dengan Arief Slamet Santoso dari Indonesia bagi menentukan pingat emas Kelas G.

Sebelum itu, pemenang pingat emas Kelas C Sukan SEA Jakarta '87, Ahmad Khusairi Ibrahim, menundukkan Agus Prasetyo dari Indonesia.

Ahmad Khusairi dijangka tidak menghadapi masalah mengekalkan pingat emas, apabila bertemu Precha Poolthong dari Thailand, esok.